

永平府志卷之十二

官師志

名宦傳

漢

李廣隴西成紀人秦將李信之後猿臂善射訥口少言才氣天下無雙景帝授爲隴西都尉復徙爲上谷代郡雲中太守皆以力戰知名景帝崩武帝立遼西太守軍敗詔拜廣爲右北平太守匈奴畏之號曰飛將軍數歲不敢入右北平嘗出獵暮歸見草中石以爲虎而射之中石沒鏃視之石也復更射之不能入廣居郡籍事省約

永平府志

卷之十二 名宦

一

文書行陣弗正部曲勸屯墾修戰守一時邊民安枕每考稱最所得上賜輒分麾下飲食與士共之終廣之身爲二千石四十餘年家無餘財不言家產事終年六十餘賢士大夫及一軍皆哭百姓聞之無老壯皆爲垂涕有子三長曰當戶早亡次日曰椒拜代郡太守季曰敢從驃騎將軍擊左賢王奪王旗鼓而還封關內侯食二百戶皆有父風

路博德西河平州人武帝時爲右北平太守匈奴犯塞從霍去病擊之至橐餘山斬獲甚衆

後漢



趙苞武城人爲遼西太守峻厲威嚴名振邊俗遣使迎母及妻子道經柳城值鮮卑寇鈔爲所劫質載以擊郡苞率衆與賊對陣賊出母以示苞悲號謂母曰爲子無狀不圖爲母禍母遙謂曰人各有命何得相顧以虧忠義苞卽時進戰賊悉摧破母妻皆被害詔封苞爲侯苞曰食祿而避難非忠也殺母以全義非孝也何面目立于天地遂嘔血而死

後魏

常英初授肥如令廉善仁明不事嚴苛治民多惠政繼遷平州刺史以地薄邊塞重農務修武備使民家有餘蓄

永平府志

卷之十二 名宦

二

鄉勇皆爲健卒後封遼西公卒諡遼西平王

于天恩代郡人熙平中任遼西太守賦性中和百姓懷之贈東平將軍燕州刺史

唐

張仲武德宗朝爲盧龍節度使鎮邊有功李德裕幽州聖德碑具載其事

田仁會張安人爲平州刺史時旱自暴以祈雨雨通禾熟民歌曰父母育我兮田使君挺精誠兮上天聞中田致雨兮山出雲倉廩實兮禮義申君常在今不患貧後遷右金吾子歸道孫賓延三世並爲金吾將軍祀名宦

鄒保英萬歲通天初爲平州刺史契丹入寇城且陷妻奚氏率家僮女丁乘城不下詔封誠節夫人

遼

韓德樞爲遼興軍節度使釐紛剔蠹恩昭信孚勸農桑興教化民獲蘇息後遷平灤營三州觀察使

元

劉德溫永平路總管當大歷兵革之餘野無居民溫爲政期年而戶口增倉廩實學校興庶事畢舉歲旱竭誠禱祀甘霖大至其年大稔

孫明大寧人英銳不拘小節好學能詩以明經任山北憲丞平府志

卷之十二

各宦

三

司幕至政四年遷灤州知州刑清政舉修學養士州人賴焉祀名宦

郭仁義武州人大德中任遷安尹惠愛及民秩滿當代縣人保留不得祀名宦

左濶良鄉人泰定中任昌黎尹尊崇學校輕徭薄賦慎民力老稚咸感思之勒石紀德

柴本立至元中任樂亭尹敬事勤民無一夕懈覩廟學頽圯慨然嘆曰學校不修儒風靡振長民罪也於是捐俸金集同志撤而修之成不逾時民亦不告勞當時翕然稱焉

周宏字希道遷安人至正中爲昌黎尹撫字有方多惠政時程思中作亂宏率民拒守城陷被執不屈七日不食死民思其德爲之勒石崇祀名宦

明

蕭頤洪武二年任遷安知縣草昧之初諸事未舉公首建學校廟貌巍然諸生絃誦得所人稱其知先務祀名宦金彥祥浙江崇德人洪武三年任遷安主簿故元遣將姜文靖內侵攻圍永平祥饋糧不乏及兵迫縣拒守益力事平擢知本縣轉工部主事至今稱之入祀府縣兩名宦祠

永平府志

卷之十二

名宦

四

婁大方浙江奉化人儒士洪武七年任撫寧知縣強幹果毅時值草昧因舊鼎新多所建置寇至率吏民避兵於洋河之西兔耳山南遂建縣治經營區畫井然有法寇不爲患士民德之祀名宦

馬負圖山西臨汾人永樂十年任永平知府牧御有方修舉廢墜百姓戴之如父母陞山西布政

陶安南直隸常熟人永樂中知灤州吏事精敏每農時出郊勸農在任三年境內殷富致仕去民追思之

楊禧順天大興人永樂十年任昌黎知縣課農桑興學校招復逋逃威制屯卒民感其德祀名宦

李文定浙江臨海人進士正統五年任永平知府遇事立
辨剛果有爲修建郡學殿堂齋舍及鳴遠樓皆極壯麗
陞福建布政使

楊琚江西泰和人進士天順五年任山海兵部分司公明
練達舉錯悉中典型關法自譏察外無少留滯人咸稱
便時衛學始建拘行伍子弟充諸生皆以爲厲已弗樂
公雅意作人士習用變至今士民稱頌不置

王璽陝西整屋人進士成化四年任永平知府潔已愛人
嘗闢郡學基址奏復夷齊廟請賜額及祀典祭文時論
偉之入祀名宦

永平府志

卷之十二

名宦

五

李瀚山西沁水人進士成化十八年任樂亭知縣邑故土
城廵撫閣公檄縣甃以磚更十餘年罔功自闔人汪直
啟釁數有邊警人益恐公下車卽修築竣工至今攸賴
儒學舊在文廟後湫隘特甚公乃遷於廟左拓前後地
數畝宏敞遂與廟稱又鑄祭器育賢才文教蔚然其他
惠政不能殫述士民思慕弗替隆慶初重修城東北隅
十餘丈堅鞏異常民不忍撤而止瞻者若召棠焉擢監
察御史歷官南京戶部尙書贈太子少保祀名宦

姜鎬河南修武人舉人成化十九年任撫寧知縣恢廓縣
治修建學校勤政愛民有去思碑樹儀門外祀名宦

胡憲江南泰和人成化間任遷安教諭督訓甚嚴嘗夜過號舍察諸生勤讀者勞之否則有罰故篝燈達旦不輟以學在東郭門外請展東城包學宮於城內士民頌之
祀名宦

殷衡山東歷城人成化間任永平訓導學行優長有鄒魯遺風以三禮誨生徒捐俸置紙筆油燭資之永平甲第彙征多其教益母性嗜魚板輿迎養值灤水涸公密禱河水漲魚躍後辟爲德莊王審理多所裨益卒贈禮部尚書兼武英殿大學士入祀名宦淮南王世貞爲文鐫石以紀其德云

永平府志

卷之十二

名宦

六

劉魁山東高唐州人進士成化三年任盧龍知縣廉以持已能以御事公以存心正以率下秩滿擢御史祀名宦
李景華南直隸江都人進士成化二十一年任盧龍知縣治尙廉慈遇事果斷性不事奔競時稱爲三代遺直云
祀名宦

喬聰河南河內人舉人成化十年任盧龍知縣寬猛交濟不以嚴刻厲民不以姑息養奸吏畏民懷擢浙江衢州府通判人多去後思祀名宦

張愷字元之南直隸無錫人進士宏治二年任山海兵部分司操持嚴介有冰蘖聲關法舊止驗籍與年公始稽

貌以杜詐僞之弊至今因之其待士惠民外內一致雖黠詐者亦不忍欺云

黃繡號文卿南直隸靖江人進士宏治五年任山海兵部分司宅心平恕政尙宜民時關內薪水頗遠居民仰給關外公給木牌懸之出入樵汲甚便公絕有目力一經覩記終莫能眩遇面生冒頂者輒指摘之卒無敢欺啟閉有常期雖祁寒暑雨及他務叢集亦弗爽代去之日男女夾道遮留車馬至不得行後轉巡遼東再經其地居民猶依依不忍舍云

吳傑南直隸江都人進士宏治七年任永平知府首崇祀永平府志

卷之十一 名宦

七

典繕治壇壝修葺聖宮灤漆二河船夫歲用千餘人百姓苦之公悉力裁減如制郡舊有志永樂初年失之公下車首訪得一編殘缺舛訛乃屬致仕行人張廷綱教官吳祺率諸生修之

張濟山西陽曲人舉人宏治九年任遷安知縣時縣殘於兵燹公宇圯穢民爲賦重流離公子惠困窮勞來安集諸廢畢舉尤加意學校九年擢保定府通判祀名宦

呂鑑字世重山東鄆城人舉人宏治十年任灤州知州輕徭薄賦興學育賢先是灤稅輸邊民多苦之公特建白改運近地灤人至今德之祀名宦

原軒山西陽城人進士宏治十四年任樂亭知縣剛方正直不畏權要篤志愛民屢著異績有古循良風吏民懷焉歷官都御史

鄧萬斛四川富順人進士宏治十八年任遷安知縣清慎慈愛酌處糧差以均貧富時鎮守中貴燻灼人莫敢撻公獨力拒之一切征求每爲阻抑陞南京大理寺評事祀名宦

何詔浙江山陰人由進士正德二年任永平知府時中貴王宏鎮邊踞視郡邑長吏公獨不往其所誣盜成獄者十有四人竟出不坐郡有叔殺人而賂見知者移罪于

永平府志

卷之十二 名宦

八

姪獄成且二年公一訊立辨釐宿弊均糧役修學校勤考課聞母艱去百姓皆追送泣別立去思碑入祀名宦歷官工部尙書

邵鑑河南洛陽人歲貢正德二年任樂亭訓導平易篤實勤督課業訓迪有方士風變焉祀名宦

趙寬山西垣曲人舉人正德四年任樂亭知縣資性方正有執持不事苛察而吏民畏戴有嚴父保母之頌時嬖倖擅權有鷹房闖人繹騷公召而詰之闖倨侮無狀公怒答焉坐是被逮下獄法官察其庇民無他乃擬贖還職大家宰亟賢之亡何掛冠去祀名宦

羅玉四川南充人進士正德七年任遷安知縣馭吏嚴而待民恕歲旱徒跣禱烈日中乃雨民饑請發通州倉粟以賑全活者甚衆以才調南直武進民攀號留之尋遷御史祀名宦

賈奎山西蔚州人監生正德十年任樂亭訓導性行剛方持守廉潔造士勤敏綽有矩度旣歿士類悼之祀名宦黃景夔四川酆都人進士正德十六年任山海兵部分司舊衛守抗與部使敵體公至呈部革之始廷叅如下僚儀地方薦饑舉賑貸興義倉民賴存活者甚衆禁浮屠巫祝淫祀及燔屍諸惡俗應如桴鼓無敢撓者衛學舊永平府志

卷之十一 名宦

九

無廩餼公墾田租給之暇則親爲校課士風彬彬興起焉

王冕字服周河南洛陽人進士嘉靖三年任山海兵部分司初筮萬安令值逆濠之變公召募勇敢繼撫帥進及逆兵剽安慶趨還南昌爲釜魚計公率所部遏而擒之遷兵部主事來守關甫五旬值妖卒變作羣醜嘯呼露刃堦下侍吏拽公潛避公正色拒賊以刃脅公不屈死之撫臣上其事贈光祿寺少卿

張守陝西涇陽人舉人嘉靖三年任永平同知廉慎愛民署灤篆舊例草束上京輸場歲費不貲民甚病之公爲

疏請得改派附近倉驛歲省銀十之九建昌營中貴鎮
守惡其不利於已譖以妄奏械繫京師南北科道交章
薦救陞南京刑部員外灤人請入名宦祀之郡亦祀焉
趙葉字子玉浙江東陽人進士嘉靖七年以建寧同知左
遷灤州知州勸農捕蝗興學課士陞部郎去士民思之
立碑于道

陸府江南興化人官監生嘉靖九年任灤州州同政聲赫
然考最居上第未幾乞休去灤人思之刻像於碑祀名
宦

葛守禮山東德平人進士嘉靖十二年任山海兵部分司

永平府志

卷之十二

名宦

十

公平生敦禮法謹言笑褻躬範物一準古道至取與尤
嚴一介關法肅然時典章草昧自公始行鄉飲風勵者
德創立養濟院著爲令惇獨賴之

張倫山西沁水人歲貢嘉靖十五年任山海衛訓導褻躬
嚴整博學善誨立訓以聖賢心身正大爲詞不瑣章句
諸生森森就業毋敢惰者

徐州雲南楊林所人舉人嘉靖二十年任遷安知縣廉介
自守惠愛元元興學課士有古循吏風

文世英廣西護衛人舉人嘉靖二十二年任昌黎知縣多
惠政民皆感戴陞保安知州祀名宦

楊鳳陽南直隸宿州人貢生嘉靖二十二年任樂亭知縣先是邑八年逋負未完公至嘆曰非獨小民罪也咎在催者索收者侵督者徒鞭箠之奈何不逋乃盡革諸弊酌緩急從便宜力絕奇羨于是百姓樂輸流者歸業邑無逋負自茲始廟學繕於成化間圯甚盡撤而重建之時有群盜獄具解府府胥泥案累及無辜郡逮拷訊欲置重罪爲白其寃獲釋竟爲人所陷罷官去士民追隨嘆息有泣下者

陳士元湖廣應城人由進士嘉靖二十四年任灤州知州建名宦鄉賢祠造祭器修倉賑饑增修灤志以備百年

永平府志

卷之十二

名宦

十一

文獻

張玘山西石州人進士嘉靖二十五年任永平知府下車卽釐剔宿弊凡有不利于民者悉力除之置脂膏簿頒示屬吏無敢擾民立孤竹書院以風勵士類集文行優者肄業于中拓夷齊故城修舉如制祠成編志畀守祠者世守之陞酒泉兵備尋轉薊門巡撫祀名宦

韋文英陝西涇陽人舉人嘉靖二十六年任遷安知縣發奸摘伏愛民作士亶亶不倦陞本府通判卒于官祀名

宦

吳宜山東濱州人歲貢嘉靖二十六年自遷安訓導陞任

撫寧教諭言坊行表士子矜式捐俸置買學田三十畝以賑貧生有碑記祀名宦

任逮南直隸蕭縣人監生嘉靖二十六年任樂亭縣丞家居孝親親終廬于墓側及佐邑政專慈惠而性尤介直士人謂其孝慈無愧聖訓云

張璜廣東海豐人舉人嘉靖二十八年任灤州知州修養濟院治橋梁疏灤河濬濠渠環城植柳士民追思崇祀名宦

李希洛山西太原人進士嘉靖三十三年任昌黎知縣文章政事濯濯炳著陞給事中祀名宦

永平府志

卷之十二

名宦

十三

陳綰浙江上虞人進士嘉靖三十五年任山海兵部分司才氣倜儻熟諳邊務下筆數千言立就按之皆中利害切時艱如守邊賑荒諸論薊遼大吏俱屈服時關東西大饑公疏通關政煮粥舖之民賴全活者甚衆

溫景葵字汝陽號三山山西太原人嘉靖三十九年任永平道創制籌畫精密周詳蒞任四年練兵裕餉事恆人心立糴貯法以厚農立入倉法以甦商立稽運法以清支設徑解惜薪司法以全活衛職修諸營寨城堡新郡城樓七座約束軍衛寬嚴相濟居民賴以安枕又遴入庠之士館之孤竹書院聘師豐廩嚴課鼓舞癸亥之變

總兵陣歿督撫重譴朝議以公夙望特授都御史巡撫
順天

商誥山東平原人進士嘉靖四十一年任山海兵部分司
壬戌歲邊敵數千薄關東鄉民奔避如蟻議者請亟閉
關公曰是棄萬人命矣大開門納之少頃敵攻旱門關
甚急公親巡塚指揮方畧勵將士拒堵敵竟遁去事聞
被賚加秩尋遷薊州兵備

韓應春山東茌平人舉人嘉靖四十一年任灤州知州樸
茂廉明釋誣坐軍四十八人灤民懷之立祠撰碑祀名
宦

永平府志

卷之十二

名宦

十三

楚孔生山東曹州人舉人嘉靖四十一年任昌黎知縣清
操雅量惠政多端泣任五年士民感戴以縣無志屬教
諭楊志高草之灤州學正梁桂臣修飾焉

廖逢節河南固始人進士嘉靖四十三年任永平知府設
立木鐸自府治達閭巷晨昏以六諭號詔之有崇古化
民之意時左道盛行結衆釀亂公罪其倡首者衆始解
散其自奉衣不羅綺食不兼味設義倉編保甲立鄉約
勤蒙養息訟緩徵與民休息泣任三年芝產後庭陞山
西副使

段廷晏山西太原人監生嘉靖四十三年任撫寧知縣誠

樸剛直行所無事士民愛之去之日行李一肩士民攀送流涕載道

程鳴伊字希正號消溟山東安邱人進士嘉靖四十四年任戶部分司勅立永豐倉廩修建衙署助糧以修學宮捐俸以恤寒士陞山西大同知府晉太僕寺卿

陳良輔山東莒州人舉人嘉靖四十五年任昌黎知縣巨寇薄城公與民死守城池獲全後被誣謫官昌民立祠祀之

徐楨南直隸長洲人進士嘉靖中任刑部郎中忤分宜相左遷灤州知州值歲饑民多流移楨善于撫綏民爲復

永平府志

卷之十二

名宦

古

業教之孝弟力田期年倉廩實學校興

李臣河南獲嘉人嘉靖間任遷安教諭正直剛毅師弟間諄諄訓迪恩義兼盡卒於任士哀慕之祀名宦

葉宗蔭浙江遂昌人廣西儀衛籍舉人嘉靖間任撫寧知縣興利除害一境肅然致仕去士民攀送涕泣如失怙恃

李英江西饒州人歲貢嘉靖間任山海衛教授潛心聖賢之學每事務躬行實踐期可盟幽獨尤以師道自任教人不專事舉子業對諸生燕坐談理道辨義利諄諄不倦徒輩有能厚人倫尙義舉者獎進不寘口後聞兄訃

哀毀踰禮見者感泣因觸時政竟棄官歸當時與胡敬齋先生齊名西江至今推理學必曰胡李云

李邦佐河南陳留人進士隆慶元年任樂亭知縣時值多事公修繕城池高厚視昔加三之一增四門月城各置鐵棧樓櫓敵臺雉堞倍盛於前簡募丁壯製造火器民恃無恐性彊直無阿徇剖斷如流除奸若刈一方戴之爲神君云擢禮科給事中去後樂人立祠合前令李漸共祀之

楊兆字夢鏡號晴川陝西膚施人隆慶三年任永平道爲政平和近人撫恤瘡痍作興學校凡坊表署額皆出其

永平府志

卷之十二

名宦

十五

筆陞都御史巡撫順天

趙雲翔山東平陰人進士隆慶三年任遷安知縣性直心存愷悌公正廉明動必合禮祀名宦

許守謙字子受號益齋直隸藁城人進士隆慶四年任戶部分司嘉靖時充商者悉蕩產賠糴後誣坐侵欺充戍四十餘人公力爲辯豁人皆戴之歷兵部

孫應元號華山湖廣鍾祥人

一作承天衛人

進士隆慶四年任永

平道時坐商糴餉罄資賠補猶擬遠戍公力白當道宥誣坐土商戍邊者四十餘家永人世尸祝之賜恤貧士加意學校至巡視邊徼不憚險阻皆公自檢覈力除虛

冒軍衛歛手牙僧裹足其剛介精敏卽此初爲山海兵
部分司南北敵臺皆其所建萬歷五年陞山西巡撫
宋豸字思直號直菴直隸容城人進士隆慶五年任戶部
分司時議蠲商未決公知應者苦逐一蠲之陞汝寧知
府至運使

張彛訓山東寧陽人進士隆慶五年任撫寧知縣栽培學
校惠愛羣黎士民感德立碑于西門甕城

劉邦彥湖廣龍陽人舉人隆慶間任樂亭教諭學問宏邃
志行端方以行誼作人經術廸士戒浮薄釐陋習一事
不苟學者翕然嚮風陞高邑知縣歷大理寺寺正

永平府志

卷之十二

名宦

六

顧褒浙江餘姚人由進士萬歷二年任永平知府歷事精
明公文不假胥吏聽斷獄訟一見卽決庭無留繫盡革
贖鍰等弊時各衙門僱差驛遞僱役爲時大累公嚴禁
止之一時吏治肅然

馮露河南襄城人進士萬歷四年自樂亭調遷安知縣廉
明仁恕實惠及民申請減免永平等衛徭銀民爲立石
祀名宦

喬學詩山東東阿人進士萬歷五年任永平推官嚴明整
肅人不能欺屬邑有匿官解銀數千金以虛批應查數
年罔覺公一見發之衛官徵收徭銀耗重貧苦無告公

建議令輸納於各衛首領允爲良法行取補刑部主事
吳應選陝西會寧人舉人萬歷五年任昌黎知縣清慎居
官真誠待物政通法理允孚民心陞京府通判歷知府
有專祠

任鎧山西平定州人舉人萬歷六年任永平知府時料丈
田地公以小民無知十止報九當罪者衆乃新製步弓
比舊暗增五寸俾執以度地視前丈分數相合衆俱免
辜存心寬厚御下不尙鞭笞時論稱爲仁厚長者建南
門樓憑虛閣陞寧夏副使

孟秋山東茌平人進士萬歷七年任山海兵部分司公碯
永平府志

卷之十二

名宦

七

精理學特立獨行蔬布自甘尤嚴義利之辨諸生有志
問業者樂於啟發竟日不倦每念邊備日弛少有罰錢
盡捐以置神鎗火器爲戰守具或迂之答曰此夏官職
也時江陵擅政邊帥競以賄進遼左尤狼籍公當關嚴
檢閱因以京察被謫後起累官尙寶司少卿先是隆慶
間爲昌黎令治教兼隆事功懋著邑民肖像立祠祀之
入名宦

陳名華字誠甫號章閣福建晉江人進士萬歷九年任戶
部分司申明不用土商之令客兵屯海上擾民請撤之
士民立石以頌二十三年調禮部主客司郎中

白夏江南潁州人舉人萬歷九年任遷安知縣縣無志聞
邑人王之衡有草遂屬焉又清丈田畝以清賦役百姓
感服陞山西汾州府知府祀名宦

王邦俊陝西鄜州人進士萬歷十年任山海兵部分司廉
靜端嚴寡言笑時嚴謹關法十餘日始啟關民出入頗
不便公慨復舊請建東羅城修理樓堞至今攸賴

雷應時山西芮城人舉人萬歷十一年任撫寧知縣耿介
端方不事韋脂修輯縣志課民織紡有實惠及民保留
加通判銜治政九載邊邑晏然有古循吏風

馬瀚如字紆之號抱白河南陳留人進士萬歷十三年任
永平府志
卷之十二
名宦
六
戶部分司時郡歲租甚尠議僉商糴買以實倉庾咸鬻
產爲避計公如廣開中法令鹽商輸粟各倉不用土著
而僉商之議始寢人皆德之

葉夢熊字男兆號龍塘廣東歸善人進士萬歷十三年任
永平道政尙寬平豁達而持大體時守臺南兵欲爲亂
公設法撫定之聘舊門下生郭造卿修府志以備一方
文獻陞山東按察司

沈之陞浙江烏程人進士萬歷十三年任永平推官扶持
義類綽有仔肩丁亥水災縛筏拯溺散粟賑濟生全甚
衆督修水圮城垣增修下水關甕城剏南關明灤門一

時才猷肆應當事偉之擢南京給事

張元慶浙江山陰人舉人萬歷十四年任灤州知州有異政夜宿古冶寺女鬼韓氏訴奸僧妙存淫殺狀詰朝捕治伏罪又嘗預識河決囊土塞城門不浸者三板歲饑賑粥全活萬人

陳維城山東邱縣人進士萬歷十五年任永平知府操守廉清衣履若寒士衛餘僉大戶徵收立致罄產公決議以收納事盡責各衛首領著爲令甲舍餘得甦陞山西赤城道副使

潘敦復字彥恒山東夏津人進士萬歷十八年任樂亭知

永平府志

卷之十一

名宦

九

縣爲政不事催科首崇撫字簡練鄉兵以備城守修葺學宮建設倉廩邑無專志公纂輯二百餘年故實遂成一代文獻歷陞山西大同知府

楊鎬號滄宇河南商邱人進士萬歷二十年任永平道才猷揮霍風采洒然舊例石門產煤縣輦送道府各署以供官用里民輓運絡繹苦累不支公至力禁之熟諳邊務下筆數千言立就按之皆中肯要遷遼東叅議尋陞經畧尙書都御史

王袞山東陽穀人舉人萬歷二十年任盧龍知縣性坦易才敏決并櫃以省收頭俵馬市之都門免貼銀賠累之

苦倭警將籍民爲兵遠道駭竄公力陳當道更爲召募
應者立集六屬安堵陞陝西耀州知州

馮恩山西代州人舉人萬歷二十年任昌黎知縣廉以持
躬勤以任事營建鼓樓修築月城通北門置北關增棧
房濬棠泉士民思之崇正十五年崇祀名宦祠

劉從仁山西解州人貢生萬歷二十一年任灤州知州威
惠並宣庭無留訟繕城濬濠修學宮造祭器不踰年百
廢俱興時稱循卓

張時顯江西南城人進士萬歷二十三年任山海兵部分
司長于治才精覈整肅重修關志學識瞻雅時征倭總

永平府志

卷之十二

名宦

三

兵陳璘幕下鼓譟賴公撫定一字獲寧

張素輔陝西宜川人舉人萬歷二十三年任灤州知州性
耿直愛民如子以巖誣去公論惜之換去思碑

徐準山東新城人進士萬歷二十四年任永平知府才幹
精明臨事爽決時倭警方熾海防單弱公請兵二千防
海一時恃以無恐倭平仍申文撤之又奉調征倭兵十
萬由永渡遼供需飛輓增派地丁銀若干倭平悉飛告
減復如舊六屬歡呼至條議河工利害曲折詳盡遇事
敢爲屹然莫奪朝議以公長才加河南按察司副使二
十七年陞遼東海蓋道山西叅政

葉世英字春谷廣寧衛籍浙江寧波人進士萬歷二十四年任盧龍知縣明敏倜儻有應變才二十六年奉調征倭廣兵五千譟變於山海公單騎陳以大義悉撫定之內三衛編徭例屬附郭縣官審定之訪役詆欺衛弁率意報徭驟減驟增駭愚啟倖爲時大害公先期諭衆革除前弊令各戶自平一時承應如流六屬咸取法焉尤屬意學宮建魁星閣於埤上樹平臨北斗坊遷兵部主事

雷聲山東禹城人舉人萬歷二十四年任遷安知縣涖任不受里遞導行例金革步快懲市豪清筭經費以足歲

永平府志

卷之十二

名宦

三

支酌議公解俵馬以省各社遞馬銀併東塞中伙之費遷有渡灤橋每歲秋賦民草束木架甚夥公令民遇夏折收所省不貲初下車卽摘發部民殺弟事奸胥斂跡編審徭役不避權勢卒于官士民哀思請入名宦

王象恒山東新城人進士萬歷二十八年任盧龍知縣性廉潔多惠愛甲辰值灤漆漲溢郭內行舟歲饑流民載道公開倉賑粥全活甚衆學宮傾圮設法修葺士民咸稱頌之

來儼然陝西三原人進士萬歷二十九年任山海兵部分司端重嚴整時稅璫高淮煽虐厚幣餽遺公盡卻之出

入不與偕至有害于民力爲解釋淮亦畏其清鯁不敢
縱惡任未久卒于官士民痛之西羅城外龍王廟後建
有專祠

孫慈湖廣蘄水人舉人萬歷三十四年任灤州知州墾荒
田抑強暴裁冗費革浮役去後士民思之立祠撰碑

趙紱號懷東山西樂平人進士萬歷三十五年任盧龍知
縣實心爲政勤儉自勵徵收弗遣役滋擾與民約四仲
受輸無後期者聽訟平允不爲緩罰歲饑賑糜全活無
筭編審僉富家應役以甦貧民人咸悅服擢御史

吳望岱前令應選子舉人萬歷三十五年任昌黎知縣吏

永平府志

卷之十二

名宦

三

治精明斷獄敏辨父子繼任昌黎人以比傅僧祐畢元
寶云累官南戶部郎中

邵可立陝西商州人進士萬歷三十六年任山海兵部分
司公廉直剛斷加意人文建文昌書院購古今遺書充
之俊彥鼓篋其中一時稱盛值歲饑公令屯官清絕產
置牛具分給婚不舉者衛有布花之施貧不葬者普濟
會有棺木之給賞三劾貂璫四減關稅修鎮東樓工師
苦無大木忽海上浮若干至及落成無贏餘者亢陽不
雨公三禱三應忠清正直格于神祇時咸嘆異之

張廷拱福建同安人進士萬歷四十年任遷安知縣優禮

學校均平徭役奸胥積習禁革一空秩滿行取士民遮
留泣送如赤子之離父母爲立生祠于南關祀之歷官
僉都御史

王臺字古栢山東臨清人舉人萬歷四十三年任撫寧知
縣敷政寧人籌邊足國捐俸創建雲從書院課士不倦
有生祠碑記

楊于陞四川劔州人舉人萬歷四十四年任昌黎知縣撫
民訓士補缺興廢文學吏治兩擅其美重修邑志筆削
簡當陞廣西鬱林知州遷雲南武定府同知死節

孫止孝山東歷城人進士萬歷四十五年任盧龍知縣勞
永平府志 卷之十二 名宦 三
心撫字持已潔清且英毅有遠畧時值多事創立射會
練習鄉勇以備緩急尤作輿斯文歲時督課設立賞格
以示鼓舞崇祀名宦

劉澤深字警圖河南扶溝人進士萬歷四十六年任永平
道治政剛決不容奸僞人無敢干以私其所興除皆大
利大害陞湖廣叅政祀名宦

高邦佐號衷白山西襄陵人進士萬歷間任永平知府初
履任卽謝絕填宅供應所需日用薪米悉與平值文移
朝進暮發無停擱者輸納盡去羸羨官衙如水胥儉如
繼有書手朋匿糧地稽得其狀繩之以法大獄久不決

者一經平反人心皆服權稅六屬分認歲額爲累改以公用抵補折稅璫高淮誣搶驛卒及士元毒墜良善公皆全力挽救之朝覲不用郵遞夫馬禁加派甦凋敝惠政纍纍永人立石頌德陞天津道副使

陳所立字如有福建長樂人舉人天啟二年任永平知府性嗜經術甫下車卽于府治後建立書院以清聖主于中政暇集諸生講論文義終日不倦其文行俱優者格外禮遇之每歲暮各給膏火炭貲以勵其學諸生益奮北郭外泐漆二水滌滙夏秋漲輒嚙城趾公設法自拱辰門至菊花臺橫築磚隄里許障之今遺趾尙在著有

永平府志

卷之十二

名宦

十四

北平詩賦諸集

王四維山西河曲人貢士天啟二年任遷安知縣勤敏寬厚禮士愛民舊例歲派車馬損三役里胥詐害無窮民間苦累公剔除積弊僉派均平陞涿州知州民思慕不忘爲立遺愛生祠於縣門東祀之

陳祖苞浙江海鹽人進士天啟五年任山海兵部分司公一日坐堂上忽有羸自關外闖入向堂長鳴公命人尾之至一家直入掘地得屍廉其圖財致命狀抵罪又四人失路引回關中官欲以奸細論公持不可得放歸以此致忤罷去東門甕城關帝廟左建專祠有像後復起

歷順天巡撫

方岳貢字四長號禹修湖廣穀城人進士天啟六年任戶部分司仁慈廉介凡倉庫錢穀出納絲毫不取餘羨有逋戶解比者不事敲扑惟勸令速輸而已諸生有以文藝謁者給膏火課勵之接物和平樂易咸以長者稱陞松江知府遷督糧道時有以受賄誤訐者廷質廉其寔加陞都御史尋入內閣未幾乞骸骨歸囊篋蕭然

羅成功廣東高要人舉人天啟六年任永平推官崇正三年永城不守公慷慨盡節視死如歸事平立坊表之仍從祀武廟表忠祠

永平府志

卷之十二

名宦

五

張春號太宇陝西同州人舉人天啟間由刑部主事備兵永平一時治政瑋瑋有聲尋轉山石道以執法不阿移病歸崇正二年復起爲永平兵備收復永灤嚴禁屠掠全活難民甚衆論功加太僕寺少卿仍請告歸籍再起備兵通州不數月又調永平

皇清兵下大凌河公率兵救援兵衄被執堅求自盡

太宗文皇帝嘉其忠直優養十年公留髮不薙及卒以禮葬之康熙三年公子伸乞骸歸葬

特旨准從所請路經山永人皆祖道焚鑪繹絡不絕先是永人聞公死難建立專祠凡四區一在東郭門外百步許

一在北郭外湯坵莊一在縣治東關帝廟一在灤州其德澤深入人心如此當公敗績時夫人盡節於永平韓氏樓中公每食必具筋筵遜同食父忠子孝夫義婦烈皆出性成人名宦仍從祀武廟表忠祠

鄭國昌號天符陝西邠州人進士崇正元年任永平道時邊圉多事羽檄交馳公應之裕如二年冬

皇清兵下永平四境綦嚴時議土著防兵單弱調陽武營卒協守歲除主客爭酒食豐嗇洽兵相攻因縱火衆大譁永城遂破公策馬親冒矢石力揮武營兵數人復率內丁堵馬道攻射武營逃兵事已無濟有勸出亡者公

永平府志

卷之十二

名宦

三

厲叱之回署公服西向再拜曰臣力竭臣罪不可贖矣乃約夫人子女闔門縊死公從容自盡命舉火以焚事平追贈太僕寺卿立坊表之仍從祀武廟表忠祠

張鳳奇山西陽曲人舉人崇正元年任永平知府蒞任初值羽檄交馳軍需旁午公修補廢壘設備芻糧爲固圉計二年己巳冬永平戒嚴公悉心捐募鼓勵軍士又出庫銀以餉鄉勇三年庚午永城不守公盡出所有散諸行市及輿隸乃仰藥而死夫人闔門雉經事平贈光祿寺卿從祀名宦并武廟表忠祠

楊爌貴州銅仁人舉人崇正元年任灤州知州庚午

李鳳翥字瑞徵江西樂安人舉人崇正元年任樂亭知縣
才裕性果加惠熒氓值

列子贈廕專祠

皇清兵下永平公鼓舞士民多方悍禦援兵抵邑應付有
方因忤當道排擠之士民爭先保舉不得立石頌之祀
名宦

左應選山西榆次人舉人崇正二年任昌黎縣知縣甫任
三日卽城守戒嚴庚午正月

皇清兵下永平灤遷俱陷大兵攻圍昌黎八晝夜公誓死
永平府志

卷之十二

名宦

二十七

勵衆百計守禦遣人突圍密約樂亭死守以通京師山
海之路賴以全城又滅白蓮教數千人於雲峯寺以功
加按察司僉事

陳昌言號道莊山西澤州人甲戌進士崇正八年任樂亭
知縣時國事叢脞綏輯有方民用不擾十三年行取民
爲勒碑崇祀名宦

趙允植遼陽人崇正二年任盧龍教諭品行端方勤于訓
士凡其誘誨啟迪必以忠孝行誼爲先值庚午兵燹與
妻欽氏暨女同死祀名宦

宋坤遼東人歲貢崇正二年任撫寧訓導時值兵警賴公

調戢兵民地方保全

楊嗣昌號文弱湖廣武陵人進士崇正三年任山石道將
佐凜如神君癸酉晉山海巡撫築南北兩翼城以固疆
域刊鄉約化民書令有司師生朔望講讀以正風俗捐
俸建學宮廓然改觀經始甫竣以遷秩去後爲山海巡
撫至今山海士子猶頌德弗諼

韓國植陝西涇陽人進士崇正四年任永平推官郡當殘
破之餘土著稀少人文寥落士氣衰靡公查府治後已
廢孤竹書院捐俸修飭延請有文行者董厥事鳩民間
子弟肄業其中以東郊外營房隙地九十三畝爲學俸

永平府志

卷之十二

名宦

三六

永郡至今食其福利云

余爵字天有河南禹州人進士崇正四年任撫寧知縣長
才卧理百姓安堵釐奸剔弊吏胥畏服歷兵部職方司
監軍征寇殉難贈太僕寺少卿諡忠壯

劉景曜號嵩曙河南登封人進士崇正六年任永平道賦
性正直不輕言笑時中官奉使閱兵有總監總督監視
欽授等名橫甚稍弗遂意輒奏行逮治公獨不往謁疏
揭凡七上時稱敢言察邊閱操例兵備伺陪以屬禮見
公乘肩輿直至演武中堂總監出揖進以賓禮會公猶

敬置不稱禮以顏色示鎮名邊於

公力也督師孫公傳庭奉命赴山海監視倚上方劍縱護衛兵不守紀律聲勢赫然所過地方民爭趨避公館之郭外不令一騎入城行糧自俾上運給之孫公怒提協將知縣鄉總欲置以法公不爲禮事旋解城中得免虞爛永人德之陞山東巡撫所著有高山文集及北平名景諸書

張若麒山東膠州人進士崇正七年任盧龍知縣果達明爽案無積牘革除僉派民役收納之累立櫃書收受至今便之秩滿行取

馬孔健河南陳留人進士崇正十年任盧龍知縣當兵燹永平府志

卷之十二

名宦

三九

餘勸農興學固圉安民己卯畿東告警督師孫公傳庭休兵永平欲入城郡民駭甚公設館城外請督師禁兵無入民賴以安被難男女千餘人給資歸之病者養之庚辰臺司檄縣運糧十萬石至遼民大困公條議令衛卒營兵協力遞運刻期竣役里中子投充椒戚橫噬小民公寘諸法不貸有巨族兄弟訟家產公閉閣引咎數日不視事兩皆慚謝和好如初後爭以重賂酬德抗顏卻之其持正惠民如此擢御史

杜汝字騰江保定定興人歲貢崇正十年任撫寧教諭行輩端方學問淵博誨人做胡文定教條起衰式靡一時

士風丕變庠弟子至今宗仰之

邱民仰號石門陝西渭南人舉人崇正十二年任永平道公有文武才歷貴州道御史凡條議時事皆中肯要有聲於臺旋督薊遼兵餉輓運有方中外倚重以永平巖疆簡公備兵甫下車嚴飭邊防稽覈士馬頒固圉錄以備城守著帥中錄以教戰攻習火攻諸法以資行陣講馬政錄以備征調所部將士樂爲馳驅一時甲冑旌旄嚴翼生色尋調爲遼東寧前提學道

范志完河南虞城人進士崇正十二年任山石道公多材藝任事三年百廢具舉峻城濬池寬徭飭驛鼓舞行伍永平府志

卷之十二

名宦

三

作興學校崇秩祀獎節孝救荒恤困一時政治爲之改觀陞山西巡撫擢總督

彭份字洗存江西南昌人舉人崇正十三年任永平知府下車約法三章懸鑼中門有冤抑者任其不時申訴築敵臺以固東圍修泊岸以障西河前官遺逋累公鑄級者六矣終不遣一騎以督各屬歲祲蝗不入境永人有秋盡數年逋欠爭相效輸得盡復所鑄級修葺府縣學宮不擾民間庚辰大饑流民萬計趨永僵仆載道公措施衣粥爲暖舍以居之所全活甚衆車騎營兵乘夜鼓譟公戒守柵扼巷始開門擊之譟兵以無內應宵遁城

中得免屠掠時服其才大而識高云陞貴州道副使
高承埏字寓公浙江秀水人進士崇正十三年任遷安知
縣清惠明敏力行修練儲備四事加意養士人文蔚起
民疊遇兵荒多轉徙公至先務賑饑全活數千人招撫
流移省刑緩征聞風復業者千七百戶漕船守凍天津
檄州縣陸運津糧至遼東前屯衛遷邑派運四千石公
力請減半念赴津道遠聽民墊運抵明年應納屯糧或
至山海關買運前屯省費萬計豪強投獻勳戚稱四姓
佃戶久厲民公鋤抑之皆投牒歸其原里社奸民投兵
抗糧公攝治渠魁誡各營路督逋賦無少貸開墾楊家
錢調繁寶坻縣兩地並有去思碑

店等處荒地二千八百餘畝捐俸修城數十丈不費民
劉濬源山東曹州人進士崇正十四年任盧龍知縣性介
操清馳任無行裝止挾一布被於輿中服不衣帛日用
惟供蔬菜一束時出巡行預備餅數枚自給於當道毫
無餽遺聽訟執法雖勢力者不能干以私永人以趙清
譽頌之

朱國梓字邵林前屯衛人總鎮朱梅子選貢生崇正十六
年任永平道操持耿介治政剛方慎重精明屏除陋習
甲申春逆闖陷京將薄永郡公赴關與總鎮舉義檄

值

國朝大兵掃蕩寇氛公卽奉母石門高隱以終先任關門主事簡靜不苛建且止亭於關外以爲候關內舍至今稱便

國朝

李丕著號愚公山西曲沃人進士順治元年任永平道當鼎革之初郡邑無專官公措置經理城市始治有法乘亂爲盜者許其投首自新招撫流離民得復業又請設寓學緩恤遠士立月課以示鼓舞凡有不便于地方者不待陳控卽革除之士民感其鎮定安輯功肖像立祠永平府志

卷之十二

名宦

三

于南山之巔

馮如京山西太原振武衛人恩貢順治元年值開國之初以本府同知擢用知府彈壓變亂招集流離申請創立寓學以恤遠士革除明季陋規以撫瘡痍六屬欽服士民愛戴其任灤州也常革老人應驛之苦立法攢槽至今賴之尋陞榆林道副使歷廣東江南左右布政

李日芄字培原滿洲人生員順治二年任永平知府懲投充革濫派吏不能爲奸尋陞霸州道副使歷官操江都御史卒于官勅賜祭葬諡

鄭伸字行臺奉天錦州人順治二年任灤州知州推誠待

物一介不取時奉部園田力護近城園舍晉大同僉事
歿祀名宦

張毓中字去偏號泊水山西陽城人舉人順治二年任
寧知縣邑當明末差繁徭重及包賠坍塌地畝錢糧
民大累公下車清查逋數概請捐除流亡復業甫七月
擢刑部主事百姓如失父母歷官陝西鳳翔知府

李中梧號燦宇滿洲人順治三年任永平知府厚重少文
不輕顰笑居官廉明有威不避豪右有以鋤刃斃人久
未成獄公命以穀草炙鋤血跡儼然乃脫無辜于獄
實殺人者陞薊州道士民攀轅泣送自永至薊凡三

永平府志

卷之十二

名宦

三

餘里絡繹不絕歷湖廣按察司

梁應元字仁吾遼陽人生員順治三年任盧龍知縣當興

革初人心惶惑公慈惠寬仁鞠保備至士民愛戴之

宮傾圮公創造一新尋陞江南池州知府轉天津道

徐逢時字盛寰廣寧衛人生員順治三年任遷安知縣嘗

數十年兵燹之後公恤殘黎緩征呼重學校凡禮士愛
民之事無所不至四年陞順德知府邑人感之爲立去

思碑

劉應錫遼東人生員順治三年任昌黎知縣當

定鼎之初人心惶怯公廉明慈恕加意撫綏人心始定

大名府知府去之日民送如市

趙汲字學夫號潤宇奉天錦州人貢士順治五年任盧龍知縣沉靜練達廉明仁厚政皆和易近人前令學宮未竣公慨然繼成之時部檄召買芻豆赴三屯備行幸芻書旁午民間供應不及公乃給值鋪商以所收米豆運不擾民而公事立濟陞江南泰州知州

白芬字猗若河南洛陽人舉人順治八年任戶部分司果有爲御下明決嘗自謂云興一利不若除一害甫下車嚴飭倉庫有美法者悉痛治之積弊頓清軍民懽服著四書幹選程墨然以教諸生九年移駐薊州而永平永平府志
名宦
三

餉司自此裁矣

尤侗字展成江南長洲人選貢順治九年任永平推官學識優長治政明決尤優禮學校因材鼓舞人文振興一時稱爲盛事以執法不阿調任去所著有北堂秋夢西堂雜組諸集行世

韓望字儼然陝西涇陽人進士順治九年任樂亭知縣更治敏達剔蠹祛奸一時萑苻不驚強暴斂跡擢戶部福建司主事士民遮留不忍去

王美順天昌平人貢生順治十一年任永平教授識見超卓安靜有才幹凡軍民以事詰諸生者公收牒斥逐之

封牒付本生令其自省時進諸生講論經史獎其所能進其所不及人以方李宗思常濬孫云

李士模字可庵山東高密人進士順治十四年任盧龍知縣才識優長遇事立剖盧邑無專志公留心纂輯以備一邑文獻約束胥吏不假辭色蠹弊悉除陞大理寺評事

宋琬字玉叔山東萊陽人進士順治十四年任永平道慷慨明決遇事立剖一時奸宄斂跡境內肅然增修府學規模壯麗前所未有又按八佾設樂舞生捐修樂器以光祀典搜輯府志以備百年文獻所著有安雅堂集秦

永平府志

卷之十一

名宦

三五

州記異諸書調浙江寧紹台道尋陞浙江廉使祀名宦劉觀瀾洛陽人順治中任山海通判值猥卒狂逞頑民影附撫御勞心卒於官關人爲斂貲歸其喪祀名宦

錢世清字生一浙江錢塘人選貢康熙四年任永平道公甫筮仕卽簪筆直廬周知制度典章沿革要務所在居官忠寬敏惠廉靜端凝歷有聲譽其僉臬北平也咨卹民隱崇尚儉約蒞任數年間凡屯田駟牧郵傳諸大政以迨城郭學校倉廩隄圩罔不具飭一時屬吏咸承風化焉郡丞梁某賠補官糧貧不能償以鑄級解任尋歿於官公矜恤之代措千五百餘金得歸其喪公生平盛

德類如此周恤貧士鼓舞庶司孳孳不倦凡祠廟載在
祀典有關風化者亟修葺之尋移駐通州道銜加通永
自公始辛亥歲

予告養親去之日士民攀轅涕泣如失怙恃議入名宦祠

崇祀

梁泰來字吉人江南壽州人舉人康熙四年任永平同知
學識優長治政簡恕經理糧儲收授惟慎奉批詞訟公
以執法署本府篆推誠待物廉靜自持留心郡乘禮士
修補時以厚重長者稱之惜用未竟以鑄級去

李漑之山東長山人廕生康熙六年任灤州知州鞠盜得

永平府志

卷之十二

名宦

三六

寔因投不忌器竟坐誣去民懷之立碑記德

陳丹字自修江南山陽人舉人康熙七年任永平知府公
文武兼長先以武科起家仕淮安總戎從事凡天文輿
圖靡不精曉值我

朝定鼎率衆歸誠

世祖章皇帝賜以宮媛羅氏公詢其家世知爲士妻遂養爲
已女逾年訪其夫歸之長安士大夫爭爲詩歌以頌其
事尋棄武職入太學應辛卯鄉試與子同登賢書士論
榮之初筮河南鄧州牧及守廣西潯州俱稱循良臬憲
三楚好持矜恕以失出左遷永平下車盡撤地方供應

治事精勤嚴絕餽送日用蔬水與寒士無異未幾卒於
官合郡哀之祀名宦

于成龍字振甲鑲紅旗人廕生康熙七年任樂亭知縣宏
才偉畧清正有爲念恤民艱首嚴苛派歲饑請賑實惠
均沾繕城垣除積弊未兩年政通事舉以署灤篆註誤
士民叩 闕保留於十年復任由是修學宮勸開墾革
里催詳除美化屯額糧以恤丁絕請退任邱撥補地畝
以免民賠累禮賢愛士緝盜安民十八年陞北通州知
州遷江寧知府擢江南按察司使陞副總河直隸巡撫
疊荷

永平府志

卷之十二

名宦

三七

聖眷加太子少保晉陞都察院左都御史本旗都統河道
總督功業赫赫社稷倚重祀名宦

錢裕國字園府順天人舉人康熙七年任山海衛教授敦
厚持躬虛公訓課諸生多受其教益時郡丞壽州梁公
泰來留心郡乘屬公修補以備一郡文獻

蔡興周字姬楨鑲黃旗人貢生康熙八年任永平知府初
令完縣治政有聲行取御史歷叅議左遷永平恤念民
艱未入境卽禁止填設以清科派之原敬士愛民斥強
抑悍凡事止署限期不輕差役而案牘從無沈擱明敏
剔弊一時積蠹盡消

羅京字周師浙江會稽人貢生康熙九年任永平同知歷事勤慎清覈倉糧民間利弊每虛公諮訪有窮民積逋鬻女完欠公廉其實代償之令贖女以歸境內笑獨時加賑濟代管關篆修舉廢墜愛士恤窮嚴飭輕生澆俗丕變關民戴之以丁外艱去補陞直隸順德知府

魏師段字松巖湖廣黃岡人貢生康熙九年任盧龍知縣履任初革除一切陋弊編審研核均平值

聖駕東巡召見詢以愛民之實奏對稱旨公勤於吏事諸務親裁聽訟虛公恤窮戢暴修學宮及邑治煥然改觀鄰邑有自殮其僕而誣人者承審官顧

永平府志

卷之十二

名宦

三

其豪勢獄竟成公一訊得情莫不以神明頌之祀名宦王永命字九如山西臨汾人舉人康熙九年任遷安知縣持躬清正治政廉明洫任初悉革陋規禁除耗羨凡食物器具俱見給時值商民德之學宮傾圮城垣頽壞公相繼修整絕不擾民補葺冷口邊牆十三處均得完固修輯邑乘以成一方文獻陞行人司行人所著有六言通訓松韻堂餘筆邊工漫記別黃臺山詩祀名宦

王曰翼字健齋山西陽城人舉人康熙九年任昌黎知縣清慎有爲殫心撫字舊有糧羨陋規公張示永除以甦民困學宮頽圯公捐俸修葺又繕城修志抑強扶弱編

審公平士民愛戴爲立去思碑

崔誼之號老山山東平度州人進士康熙十年任通永道寬厚宅衷虛公執法念各屬衝繁不輕差役以滋煩擾餽送悉屏絕之時以廉靜聞

唐敬一字耕留四川成都人舉人康熙十年任永平知府禁革鋪墊陋習勸民休息詞訟嚴飭吏胥不輕差役尤雅愛士子多所啟迪壬子夏旱十旬不雨禾漸焦公齋戒虔禱三致告文于守土之神凡五日霖雨大至是年有秋癸丑郡城西北隅被水衝塌公捐俸修築以固城墉前任太平司理銜命招撫安南以軍功擢長安郡丞

永平府志

卷之十一

名宦

三九

繼補臨洮所在頌聲丕作乙卯陞洮岷道副使

夏時美滿名安達里字羨之廣寧人旗籍康熙十年任山海通判文武兼長時蒙古察哈拉部落謀爲不軌羣情洶洶公完守備禦關民恃以無恐會屠將軍統師進勦公督運軍需飛芻輓粟供應無悞絕不派擾民間其潔已奉公愛民重士善政實多嘗攝郡篆頌聲丕振以憂去合郡紳衿父老攀轅截鐙關民爲之勒石建祠庚寅歲郡守張公朝琮詳入名宦

孫宗元字近厚山東淄川人進士康熙十年以同知降補灤州知州廉靜有爲留心撫字虛公禮士吏民畏懷有

古良吏風陞廣西思恩府同知

劉馨字敬庵湖廣沔陽人廕生康熙十四年任撫寧知縣治政淳厚歷事和平捐資創建武廟設立小學修建書院訓課生童撫字催科悉存寬恕縣志自萬歷以來缺畧未修公留心諮訪纂續刊刻蒞任四載諸務畢舉民受安靜之福

常文魁字月生正藍旗人貢生康熙十五年任永平知府治政精勤歷事敏練折獄不費繁言兩造俱服向者旗丁與投充肆橫公至咸知守法修理文廟添設石坊

石柵悉心經畫于學前購隙地創建書院爲生儒會文

永平府志

卷之十二

名宦

四

之所其諸祠廟亦次第修葺又嘗修補郡乘冀續宋公琬之後足徵留心文獻之雅意云

陳邦齊字君弼奉天蓋州人廕生康熙十五年任昌黎知縣操持廉介治政仁明向者昌邑錢糧積逋百姓流亡公蒞任一切繁擾陋弊不便於民者盡行禁革省刑薄稅百姓接踵復業聽訟虛公案無沉牘百姓以慈父母稱之

馬如龍字見五陝西綏德州人舉人康熙十六年任灤州知州治政明爽英發有爲除積弊以恤民艱培斯文以振士習聽訟虛公案無留牘留心地方廢墜畢舉士民

德之歷官江西巡撫

張一諤字松野浙江山陰人貢士康熙十六年任遷安知縣治政精勤寬仁撫字整新賢序修補城垣旌節孝以維風勤考課以鼓士禁革規弊聽訟明允人戴之若父母有遊棍誘賣故民之妻馮氏於旗下者其婦矢志不從控部准贖公憫其節捐資代爲贖回其惠愛及民類如此

衛立鼎字慎之山西陽城人舉人康熙十九年任盧龍知縣清明勤慎治先教化修補邑乘薄歛省刑境內搭橋秫稽向爲民累公給時價採買以清夙弊遇劇有爲秩

永平府志

卷之十一

名宦

聖

滿行取

趙端字又呂浙江錢塘人貢生康熙十九年任撫寧知縣慈惠明敏釐剔奸弊民畏而愛之尤留心學校獎勵生童設鄉塾置學田立義塚又於城北設水窖以供部例免山海運駝之累境內晏然不愧民牧

金星瑞浙江仁和人監生康熙二十一年任樂亭知縣慈愛羣黎隆禮學校修文廟崇祭典備樂器水衝城垣頽圯過半設法修築絕不派累民間接物和平而執法必嚴強暴自此斂跡陞雲南師宗州知州

胡文蔚字豹貞順天通州人歲貢康熙二十一年任撫寧

教諭才華敏達培植斯文值歲試時有庠生爲兵所辱
弁威逞虐公侃侃主持士氣賴振至今頌之陞江西安
義縣知縣

陸楫字林士浙江平湖人副榜康熙二十五年任盧龍知
縣廉明剛正不畏權勢時有旗員假公幹虐擾地方公
執法嚴懲民獲安堵春郊勸農親愛如家人以直忤去
官命整行李惟來時竹筥傘屐而已去之日老幼焚香
泣送達于境外

梁世勳號鶴汀陝西安塞人廕生康熙二十九年任永平
知府立心寬厚冰蘖自矢丁丑郡西北城堤被水衝塌

永平府志

卷之十二

名宦

四

經營修築尤拳拳愛民煮粥賑飢必親嘗寒熱捕蝗祈
雨則不憚先勞然秋霜凜若毫無寬假以故士樂民安
豪強斂跡陞兩淮鹽法道尋轉直隸巡道陞山東藩臬
廣西安徽巡撫

彭爾年字永公奉天杏山人監生康熙三十二年任永平
同知時與郡守梁公世勳協恭議修文廟並城垣堤岸
勤助經營多公之力承審部案存心矜恤釋無辜牽累
者數十人丙子奉天饑

上命截留漕米三十萬石由海運濟公呈請領運前赴復州
舟至大洋颶風幾覆公焚香籲天風頓息咸謂公忠誠

所格克奏厥功生平廉介自持清操不著軫恤窮黎時
施惠政無何因公鑄級補任雲南姚州遷陝西西安郡
丞

韓逢麻字悅宜山東青城人貢生康熙三十七年任灤州
知州廉明正直愛民如子灤俗抗糧刁訟爲藏盜藪公
徵比不許旗豪劣矜包攬賞完罰欠衆心悅服詞訟不
輕差役據理立剖刁風頓改又訪拿旗棍窩詐等事雷
厲風行年餘盜息民安境內大治未幾以才能調定州
牧士民遮道泣送立碑紀德

蔡維寅字典三號賡菴浙江德清人進士康熙四十年任

永平府志

卷之十一

名宦

四三

永平知府公早失怙事母至孝爲政首崇學校朔望聚
諸生於明倫堂講論經書分別獎勵郡舊有義學名存
課荒公加意作興慎擇塾師清查舊存義學田畝并設
法添置膳田義學生童至今懷之

華黃號中涓江南無錫人進士康熙四十三年任永平知
府介節自持惠愛百姓其理訟片言平反人心悅服凡
久稽部件到案立剖同城官以事干竇公端坐假寐唯
唯以應及審不爲稍假彼復來語曰因在夢中醒則忘
耳其不惡而嚴類如此乙酉歲值賓興公加意振興是
歲獲雋者多人自此永屬絃誦之風較昔浸盛以老乞

休去士民爲立去思碑

晏賓字鹿菴貴州平遠州人舉人康熙四十四年任盧龍知縣天性仁厚立品端方尙德緩刑愛民重士於聽訟催科常存矜恤惟以天理良心四字諄諭而感動之以故俗鮮刁訟亦無逋課每冬徵收倉糧隨到隨收有升斗不足者憐其天寒路遠槩免補償歡聲載道己丑水圮學宮設法修葺編審戶口旌舉節烈皆實心研核公當精詳嘗攝遷篆兩邑差務冗劇公從容肆應措理咸宜自奉不改儒素各上憲有第一清官之譽以憂去士民無計挽留歌謠成集以頌其德

永平府志

卷之十二

名宦

四四

白爲璣字子儀鑲白旗人監生初筮東光令賢績懋著巡撫李公以大城西堤緊要題授河間府丞保飭河防克見成效遷本郡守四十五年遷通永道副使存心仁恕周恤民瘼凡遇地方水旱蝗蝻沐雨披星不憚寒暑竭力經理數年來畿東無災禱之告實公之力也公事調委屬員溫詞慰勞往往捐俸資給下皆感德而忘其勞所屬吏治民生咸向化蒙休云祀名宦

宋琰字德培順天大興人歲貢康熙四十六年任撫寧教諭端方自飭廉靜有守署理邑篆有海洋社烈女郭三姐拒奸慘斃克犯遁跡公摘發如神按律伏辜萬民稱

德祁號聿修山西澤州人舉人康熙四十五年任樂亭

知縣才幹明敏遇事果敢時邑被旗圍民無恒產公等
畫得宜民困以蘇御下嚴而不苛竄盜務得其平在任
十年以疾卒于官民為勒碑以誌遺愛

萬任字亦尹號靜園江西新建人進士康熙中任昌黎知
縣學問優裕居官廉明時與宋牧仲施愚山王阮亭諸
先生為詩文交才名丕著而賦性恬退不樂仕進故歷
官未久即歸林下輿論惜之

程大僖字岵懷福建莆田人監生宋儒伊川先生之二十
永平府志 卷之十一 名宦 四十五

四代孫雍正四年任撫寧知縣懲惡安良興利除弊凡
墜子奏銷大計編審廟戲進梨等襍派當商燒鍋等陋
規俱盡革之其接紳士也以謙而不可干以私其待
役也以慈而不敢玩其法先是撫邑地畝銀花戶交驗
催頭每畝約特錢六七百或八九百

俗以制錢十文為一 八二按

戶給發易知單將正耗開明每畝用銀六分合時錢三
百六十按限自封投櫃每歲所省不下萬金詳請勒石
以垂久遠城西洋河杠梁之費派於里下不勝其擾公

率率修之又驛站工料向俱九三扣除公則按實給
官派車之費以除其廉明剛斷類如是蒞任甫

一載竟以奏銷遲延掛吏議而去士民至今思之
裘君燮字約斯號退菴江西新建人進士雍正五年任撫
寧知縣公爲人瀟灑不羈之官時顯達有以書附寄上
官者公途中得詩乏紙遂書於函面然竟以此受知在
任五載廉潔自持守前任程公遺規絲毫不以累民嘗
冬月裘表敝無紵乃以紗爲之致仕家居四壁蕭然
劉玉林貴州大定州人監生雍正四年任昌黎知縣振興
文治修葺學宮訟無留獄剖斷如神在任六載始終無
倦歿之日士民如失怙恃

萬承芩江西南昌縣人進士雍正年以庶吉士改授盧龍

永平府志

卷之十一

名宦

四六

知縣抵任後潔清自勵釐弊安民以振興文教爲已任
捐貲立義學敦請名師兼爲捐給薪水俾有志之士各
有造就又奉行保甲嚴稽盜賊征收錢糧力除耗羨邑
民歌盛德焉

屈成霖江南常熟縣人進士乾隆年任盧龍知縣捐俸立
義學延師訓讀並爲捐備膏火每月傳集生儒時加考
課文教振興又首倡捐貲修理 文廟改學宮巒序煥
然灤青二河橋梁向由社甲攤派霖獨力捐修邑民稱
便

吳世臣福建浦城縣人監生乾隆十四年任昌黎知縣東

治精詳寬嚴相濟雖廉靜無華而紀綱整飭設養局嚴夜禁久道化成幾于夜不閉戶

夏文廣雲南恩安縣人舉人乾隆二十一年任昌黎知縣明決有爲勵精圖治興義塾以植菁莪培嘉禾而除稂莠雖涖任未久而口碑載道迄今士民追述有餘思焉武職傳

明

徐達江南鳳陽人洪武間帝以燕民新附又地鄰邊塞於十四年命公鎮之乃依山阻海創立關城復修築墻垣阻塞隘口聯絡周密規度宏遠累官太傅中書右丞相感念功德不忘請建專祠春秋祭享

永平府志

卷之十一

名宦

七

晉爵魏國公卒追贈中山王諡武寧景泰間山海士民趙彛虹人洪武初虎賁百戶調燕山右衛從穎國公征沙漠城宣府萬全懷來歷陞永平衛指揮僉事靖難兵至永平彛以城降從徐忠等轉戰有功陞北平都指揮使文皇卽位封忻城伯食祿一千石與世券永樂十三年鎮徐州仁宗召還卒

吳城本名買驢遼陽人父通伯元遼陽省右丞洪武中隨觀童來降買驢充總旗出塞征虜功陞永平衛百戶從靖難攻真定大寧鄭村壩功陞指揮僉事廣昌白溝館

隲功再陞指揮使夾河藁城西水寨功陞都指揮僉事
戰泚河小河齊眉山靈壁先登渡淮克揚州入金川門
再陞都指揮使永樂八年從上出塞征虜功陞都督僉
事已而三出塞斬獲多洪熙元年陞左都督是年大松
嶺破虜封清平伯食祿千一百石與世券宣德初從擒
漢庶人三年出喜峯塞敗虜寬河斬獲進封侯祿如故
八年卒贈渠國公諡壯勇

費瓛定遠人祖遇洪武中爲燕府左相已革府相改護衛
指揮使父肅嗣官肅卒瓛嗣官事成祖靖難功累官都
指揮同知鎮守山海關永樂五年召僉事後府六年充

永平府志

卷之十二

名宦

四

副總兵備倭海上七年征湖廣叛寇八年充總兵鎮寧
夏甘肅討平亦令真巴十年又出甘肅防禦仁宗卽位
充平羌將軍鎮甘肅尋陞右軍都督宣德元年入朝上
念瓛舊臣累著功名封崇信伯食祿千一百石與世券
復出鎮瓛性和易善撫循士卒守邊二十年塞境寧靜
征漢庶人嘗爲先鋒將佐薛祿有功

郭亮合淝人父聚開國功陞流百戶亮嗣官征虜功歷陞
永平指揮從靖難與都督耿獻戰又與都督楊文戰皆
有功時靖難兵南下亮獨守永平與北平爲聲援建文
四年封成安流侯世伯食祿千二百石出守開平築烽

堠永樂二十一年卒贈興國公諡忠壯

王整羽林前衛人正統八年任山海衛守備沉毅有謀長於幹濟山海設守官自此始前此治尙草創規制未備公至次第興舉凡學廟樓櫓及廨舍之屬多所增建撫士馭下寬而有體軍民畏而愛之

申寧沂州衛人宏治中爲山海衛守備安靜不擾地方德之陞山東都司以廉勤勒石於石門路之彰善碑

戚繼光山東登州衛人隆慶間以勦平倭寇功名入京營練兵尋加少保兼總理鎮守薊永山海等處巡歷各邊相度平險建築敵臺千里森列軍民不病皆公調度得

永平府志

卷之十一

名宦

四

宜所致也又嘗增餉廩制車戰及火器器械立傳烽制掣旗舉礮頃刻千里百廢具舉奔走諸將檄飛隨羽至大閱三十萬衆咸遵紀律閱視大臣每以李郭稱之著有止止堂集紀効新書練兵實錄真詩書名將至今三屯營立祠祀之

王守道遼東左屯衛都指揮萬歷十一年任山海路叅將十二年九月敵侵寧前公率本路并延綏兵東援遇敵却之十月敵復合兵夜半直逼關門公同延綏將杭大才中軍盛莊列營城東血戰竟日敵失利退去有全城之功

朱洪範京衛指揮武進士萬歷三十年任山海路叅將才
品優長儀表出衆整飭營伍任用賢能時值稅監擅權
公曲護地方得免荼毒且長于吟咏有樽俎折衝之概
當年推爲儒將

杜松陝西榆林衛人萬歷四十六年總鎮山海秉性忠義
氣辟萬人率兵援遼渾河大戰死于陣諡忠壯

劉渠號雙泉順天人萬歷四十七年總鎮山海體貌魁岸
武藝優長而性情儒雅愛士禮賢嚴禁官價不致擾民
有古良將風遷鎮廣寧臨陣竟以身殉

孫承宗號凱陽直隸高陽人進士廷試第二公沉毅豁達
永平府志

卷之十二

名宦

五

天啟間以內閣督師關內設三鎮置營房於城內外軍
民異處各安其所捐俸修學廣科舉額以興人文施穀
濟貧惠及百姓三載勞瘁告病回籍崇正己巳特旨起
公匹馬就關躬督士民防守關城賴以保全當多事之
際執掌軍務安詳鎮定不動聲色有綸巾羽扇之風焉
唐之靖浙江山陰人會舉第二崇正元年任武學科正三
年庚午

大清兵下永平公先令闔家俱焚因謂左右曰吾死之後
亦焚吾屍遂西向再拜自縊從容就義大節昭然祀武
廟忠烈祠

程應琦浙江山陰人三科武舉崇正元年任永平道標中軍都司沉毅英發有應變才庚午永城不守公挺戈巷戰事不濟拔所佩刀自刎不死令家丁斷頭衆皆涕泣勸慰公豎髮裂眦復起自殺事平立坊表之祀武廟忠烈祠

朱梅號海峯遼東前屯衛人崇正三年總鎮山海厚重渾樸御事精詳先是值廣寧失守邊人要賞士民震駭當事難之時公爲裨將慨然自任出撫於關東八里舖誓以威靈綏以恩信衆皆帖服羅拜而去關門安堵至招降丁活難民墾地築垣種種著績適遼兵潰還至關公永平府志

卷之十一

名宦

五

匹馬獨前宣布恩威相對撫膺流涕無不感動鎮關不浹旬克奏膚功加秩世襲及卒晉階諭祭以酬其勲子國梓歷官永平道

國朝

張思誠號至隆遼陽人順治十三年任山永副將永平爲兩京要衝行旅絡繹盜有冒幹辦使臣公行劫掠者地方苦之公履任初遇有劫盜恐遊兵莫敵每親率健丁窮追務獲盜漸斂跡又嚴禁剋扣兵餉軍士得沾實惠一時軍容嚴肅弁丁有生事者必執法懲之故終其任兵民相安調陞浙江温台等處副總兵

李廷楠字若梓陝西西安人順治間由功廕爲山永副將
初自一片石備禦陞山東沂州鎮遊擊征勦各塞叛寇
所向克敵陞山西大同鎮叅將時東粵負固調公隨征
公首克凌江進兵要路直抵信安卽授廣東肇慶府副
將時封川開建諸處未靖公奉將軍令代宣恩信不旬
日傳檄悉定論功加左都督推陞茲任待僚屬氣度溫
和時勤操閱以練技勇嚴禁借支以清尅扣雖幼歷疆
場未工文墨然尊賢禮士饒有儒將風流

吳盡忠任縣人任山海關都司順治初土寇猖獗擊敗之
六年賊騎劫掠盡忠率衆追至邢家灣馬蹶爲賊所執

永平府志

卷之十二

名宦

五

不屈被害

陳廷謨京衛人武進士康熙六年任山海衛守備歷事詳
慎御下冲和明恕不繁百姓愛戴修山海關志

張應標號正吾陝西崇信人康熙七年由將材任山永副
將公初奉檄勦四川陳家坡巨寇劉二虎一戰奪賊老
木吼窩巢二虎失勢雉經餘黨悉平又楚有大逆李來
亨者久據茅麓山寨聲勢洶湧爲湖湘大害公與總統
梁家琦會勦掘壕築堤割汛分守來亨突衝公汛夜遁
公奮力截殺賊衆大敗敘勦蕩功加都督僉事推陞茲
廷公膺畧過人智勇素著歷事精詳持躬敬慎所屬自

都聞下及部伍之微俱推誠以待和而有體有古良將風

喻三元字魁一江南徐州人康熙十二年任山永副將持已潔清治行果決初從征閩省敘功陞遊擊鎮守北樓隘口其地相隣五臺向爲盜藪公防禦有方恩威並用萑苻斂跡山野肅清加都督同知陞授茲任簡練兵卒法令嚴明念芻餉爲三軍命脉嚴杜剋扣間有盜警公聞報單騎叱馭務期必獲鼠輩聞風消弭地方賴以安輯

祁富哈滿洲人山海衛城守章京清廉有守常俸外絕無承平府志 卷之十二 名宦 五三 沾染又能約束卒伍撫恤士民闢民享無事之福者數載以疾卒官祀名宦